

(ciep geizgonq)

“Cawz le mwngz mbouj guh, guh le couh deng vunz rox.”

“Gou roengz mbanj bae ra mou hani.”

“Byu”, Dunghmeiz biq gaemz myaiz he, naeuz: “Song bi gonq mwngz goj muenz gou, doeklaeng mbouj dwg deng gou gaemhdawz.”

“Mwngz vihmaz cungj dawz saeh gaxgonq daeuj gangj ni?”

“Ma couh dwg ma, gaij mbouj ndaej gwn haex.”

Daeggvan biengj rek mbouj raen haex, biengj feiq mbouj raen byaek, cam: “Haemhneix baenzlawz mbouj cawj haeuxcaez?”

Dunghmeiz naeuz: “Gou mbouj fugsach bouxguhdoj!”

Daeggvan dawz aendaiz baez fan, gij vanj gij dawh gwnz daiz cungj sanq doek gwnz namh,vang raeh doxyau.

Dunghmeiz naeuz: “Bae ba, bae guhdoj ba, cei q ndei dai youq gwnz daizdoj haenx.”

“Boeb” sing ndeu, daeggvan fak Dunghmeiz mbat fak he.

Dunghmeiz goemq mbiengj naj deng fak manhshadsad haenx, maeg-saeg cim gvan haujlai nanz, raemxda lae dwk, yaep he, Dunghmeiz baenq ndang dauqlaeng, gebdawz daeglwg couh caij danci ok dou. Mbwn laepngaungau, nitsatsat, Dunghmeiz mbouj goq, cij goq ganjroen ma ranzmeh.

Seizneix, daengx ranz vunz cungj muengh daeggvan Dunghmeiz daeuj, yaek ndeindei ok gaemz heiq doeg he.

Ngoenz he gvaqbae, song ngoenz gvaqbae, aen singhiz he gvaqbae lo, lij mbouj raen daeggvan Dunghmeiz

sawcuenh dinj

Dunghmeiz Ma Ranzmeh

冬梅回娘家

□ Lioez Siuvangh / 凌秀香



daeuj. Daihgya roxnyinh miz di geiz-heih, daxboh caeuq daeggo naeuz Dunghmeiz lau dwg mwngz guhloeng de ba?

Youh gvaq bae cib geij ngoenz, daeggvan lij caengz daeuj, Dunghmeiz youq mbouj onj lo.

Daxboh caeuq daeggo mbouj caiq gangj gijmaz lo, daxmeh hix mbouj caiq ndaq lo, daihgya lumjbaenz muengh de caeux di daeuj ciep Dunghmeiz mehlwg baema ranz nei. Mehsauj Dunghmeiz naeuz: “Dahnuengx, ‘haq hawj gaeq riengz gaeq, haq hawj ma riengz ma’, youq ranz yah mbouj ndaej

fat beizheiq lwgnyez, dauqbae ranz ba, baenzlawz gangj gizhaenx cij dwg ranz mwngz, gou caeuq daeggo mwngz doxceng, soqlaiz mbouj bae ranzmeh laihdai mbouj dauq bw.”

Dunghmeiz haemz gvan de mbouj hawj di naj hawj de, sawj de roengz mbouj ndaej daiz, bae dauq cungj mboujdwg. Dunghmeiz ndaw sim ndaq daeggvan, hoeng, de youh muengh gvan de vaiqdi daeuj ciep de, daiq de lizhai gizdieg gaenq mbouj dwg dieg de haenx.

Youh gvaqbae geij ngoenz, daihgya cij muengh daeuj daeggvan

Dunghmeiz, daxmeh mbouj ndaq gvan de saek coenz, daeggo lij ndenq ien hawj de, daxboh hix riunyumnyum heuh de naengh gwn caz, daihgya lumjbaenz angqcoux bouxhek caj nanz ndeu.

Byaij ok mbanj seiz, daengx ranz vunz soengq bae haujlai gyaе, sei q boux sai byaij youq baihnaj, Dunghmeiz caeuq yahmeh byaij youq baihlaeng.

Daeggo doiq gvan Dunghmeiz naeuz: “Dahnuengx gou maij fat beizheiq lwgnyez, youq ranz cungj dwg gou nyiengh de, baezlaeng mwngz nyiengh de di, mbouj gvaq mwngz moeb vunz hix mbouj deng.”

Daxboh naeuz: “Dahlgw gou daj iq couh cungh, gvaq saedceij miz gangj loek guh loek, mwngz gaej geiq youq ndaw sim, hoeng, mwngz moeb vunz gou couh mbouj haengj lo.”

Gvan Dunghmeiz cij dwg riun-yumnyum ngaek gyaeuj dwk.

Daxmeh doiq Dunghmeiz naeuz: “Miz bonjsaeh couh gaem dawz daeggvan youq gyangfwngz, sawj de dingq vah mwngz, miz di saeh couh buet ma ranzmeh, mbouj miz cei qheiq, caiq gangj, byonghhwnz daiq lwg byaij loh, danghnaeuz ok maz saeh……”

Dunghmeiz ngaem gyaeuj byaij loh, dingq daxmeh gangj vah, seiz mbouj seiz ngaekngaek gyaeuj, rumzbaek ci luenh byoem de, de hix mbouj leix, lumjbaenz roxnyinh daengz gijmaz nei……

Dunghmeiz riuhehe caeuq vunz ranz vad fwngz doxbiek le, naengh hwnj baihlaeng danci daeggvan bae, got hwt daeggvan ndaetndetndet, aenloek danci cienqlulu, yiengq ranz daeggvan buet bae. (sat)

Veiz Gozcingh nyinhnaeuz, gij naemjap yenveij fazcanj hongsaeh ndoengfaex haenx, dwg daj gij saehsaed Yungzyen okdin. De muengh Yungzyen gaej yingyangj ndaem haex, doengzseiz hawj hongsaeh ndoengfaex ndaej cienzmienh fazcanj hwnjdaej. Aenvih Yungzyen youq ndoindoq cauhndoeng、gaijcauh gij ndoengfaex oknoix okyaez haenx caeuq ndaem faexyungchaiz、faex-ginghci、faexguhda nq ndaej daengz gij cingzci k ndei. Bi 1964 daengx gih youq gizneix hai gvaq baez hoih yienhciengz cauh ndoeng baenzloeg ndeu.

Ginggvaq ndaem faex le, Veiz Gozcingh naeuz: “Bae ngonznongz gij gofoeg sou vei!”

Gij dungzci yenveij gej naeuz, bae aen dieg yawj gofoed haenx yaek aeu gvaq aen giuzfaex ndeu, naengh ci bae ne lau ok saeh, youh deng fwn

doek mbouj ndei byaij loh, seizneix gofoed cij ngamqngamq baenz gyaj, dwg mbouj dwg mbouj bae yawj lo?

Veiz Gozcingh naeuz: “Aeu yawj, baezneix gou dwg cienmonz daeuj yawj gofoed, giuz mbouj ndaej gvaq ci, raeuz cix gang liengj byaij aeu vei.”

Gwnz roen, Dingh Saulanz naeuz Veiz Gozcingh nyi: “Gozcingh dungz-ci, mwngz bihbingz 《Gvangjsih Yizbau》 mbouj daengbauq, dwg ienuengj gyoengqde lo, cwzyin youq

yienh dou. 《Gvangjsih Yizbau》caeux siengj guh baudau, dwg gou mbouj doengzeiq. Gou naeuz gicej nyi: Yungzyen sawq ndaem gofoed, 7 bi neix mbouj hwnjbauq. Aenvih gou lau gingniemh mbouj sug, lwnh okbae le, guh mbouj ndei nei yaek haih vunz nw.”

“Bihbingz baez ndeu miz ndeicawq, seizneix mbouj dwg hwnj-bauq luma? Mboujdanh seizneix aeu senhconz, gvaqlaeng vanzlij aeu

laebdaeb senhconz. Gou bihbingz loek le, gvaqlaeng caeuq gyoengqde gej cingcuj cix ndei lo.”

Gvangjsih Yizbau deng bihbingz ngoenzde, gyoengqde baij le gicej bae ra deng boux Dingh Saulanz daeuj hai hoih sam gaep ganbu haenx doxyaeng gij saeh hwnjbauq haenx, caemhcai q gipseiz bae daengz Yungzyen diucaz caijfangj, haemq vaiq cix fatbiuj le song bien baudau.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

doek mbouj ndei byaij loh, seizneix gofoed cij ngamqngamq baenz gyaj, dwg mbouj dwg mbouj bae yawj lo?

Veiz Gozcingh naeuz: “Aeu yawj, baezneix gou dwg cienmonz daeuj yawj gofoed, giuz mbouj ndaej gvaq ci, raeuz cix gang liengj byaij aeu vei.”

Gwnz roen, Dingh Saulanz naeuz Veiz Gozcingh nyi: “Gozcingh dungz-ci, mwngz bihbingz 《Gvangjsih Yizbau》 mbouj daengbauq, dwg ienuengj gyoengqde lo, cwzyin youq

yienh dou. 《Gvangjsih Yizbau》caeux siengj guh baudau, dwg gou mbouj doengzeiq. Gou naeuz gicej nyi: Yungzyen sawq ndaem gofoed, 7 bi neix mbouj hwnjbauq. Aenvih gou lau gingniemh mbouj sug, lwnh okbae le, guh mbouj ndei nei yaek haih vunz nw.”

“Bihbingz baez ndeu miz ndeicawq, seizneix mbouj dwg hwnj-bauq luma? Mboujdanh seizneix aeu senhconz, gvaqlaeng vanzlij aeu

laebdaeb senhconz. Gou bihbingz loek le, gvaqlaeng caeuq gyoengqde gej cingcuj cix ndei lo.”

Gvangjsih Yizbau deng bihbingz ngoenzde, gyoengqde baij le gicej bae ra deng boux Dingh Saulanz daeuj hai hoih sam gaep ganbu haenx doxyaeng gij saeh hwnjbauq haenx, caemhcai q gipseiz bae daengz Yungzyen diucaz caijfangj, haemq vaiq cix fatbiuj le song bien baudau.

(caengz sat)